

**No.J.12019/17/2021-DC(KZL)/Vol-XVII  
OFFICE OF THE DEPUTY COMMISSIONER  
KHAWZAWL DISTRICT : KHAWZAWL**

*Khawzawl, the 28<sup>th</sup> February, 2022*

**ORDER**

Mizoram Sawrkar, Health & Family Welfare Department-in Notification No.D.33011/39/2022-HFW(SOP) dated 31.01.2022 kaltlanga inkaihhraina (Operational Guidelines) a duan angin, Khawzawl District chhunga khua/veng te chu mihring cheng zat atanga chhut a Covid-19 positive tam dan azirin Incidence Rate chhutchhuah niin, Zone hrang hrangah then a ni a.

Incidence rate hi CoVID-19 ni sarh chung positivity rate leh population atanga chhut thin a ni, hetiangin:

$$\text{Incidence rate (for 7 days)} = \frac{\text{Hri vei hmuhchhuah zawng zawng (ni 7 chhung)}}{\text{Veng/Khua-a mihring cheng zat (Population)}} \times 1000$$

Chuvangin, kei, **C.C. LALCHHUANGKIMA, Deputy Commissioner & Chairperson, District Disaster Management Authority, Khawzawl District** hian Section-34(b)(c)(m) of the Disaster Management Act, 2005 leh Regulation 11(2) of the Mizoram Epidemic Diseases (Covid-19) Regulations, 2022 in thuneihna min pek angin leh, Mizoram Sawrkar, Health & Family Welfare Department-in inkaihhraina (Operational Guidelines) a tihchhuah vide No.D.33011/39/2022-HFW(SOP) dated 31.01.2022 angin a hnuai khua hi ni **01.03.2022 (Thawhlejni)** atanga ni **07.03.2022 (Thawhtanni)** zanlai dar **12:00 thleng** Red Zone-ah ka puang e.

**Red zone hi Deputy Commissioner-in a tul chuan a pawtsei ang a, DC thuchhuak lo chuan mahni thu a hlih/puan phal a ni lo.**

| <b>Sl. No.</b> | <b>Veng/Khua</b> | <b>Incidence Rate</b> |
|----------------|------------------|-----------------------|
| 1.             | Dulte            | 49.16                 |

Red Zone Veng/Khua ah te hian hrileng a darh zel loh nan leh mipuite an lo him zawk nan a hnuai inkaihhraina hi an zawm tur a ni:

**I. Red Zone huam chhunga luh leh chhuah chungchang:**

Heng a hnuai mite hi a hranpa a dilna siam ngai lova luh leh chhuah phalsak an ni:

1. Deputy Commissioner Office-a thawk te.
2. Damdawi lam a thawk.
3. Home, H&FW, Police, Home Guards & Civil Defence, Fire & Emergency Services, Disaster Management, Excise & Narcotics, Municipal Services, PHE, I&PR, P&E, FCS&CA Department a thawk leh Accredited Media persons te.
4. Private tui phur motor-te.
5. Bawlhhlawh paih motor.
6. Zirlai Exam nei.

7. Deputy Commissioner leh Incident Commander-in phalna a pek te.
8. VLTF Duty leh VLTF in phalna a pek te.
9. Office hnathawk te pawh red zone-a awm te chu a tul tawpkhawk loah chuan chhuah loh tur a ni a, chhuah tul an awm chuan an thawhna Office Head of Office detailment order an nei tur a ni.
10. Tul bik thil leh damlohna thil a zin chhuak leh khaw chungang lut turte chu Incident Commander/VLTF te'n uluk taka zir chiangin, phalna an pe thei ang.

## **II. Office hawn chungchang:**

Red zone huam chhunga awm office te chu sawrkarin SOP a tihchhuah zulzuia hawn tur a ni a. Head of Office ten inkaihhruaina felfai tak CAB kenkawh a nih theih nan ruahmanna an siam tur a ni.

## **III. Zirna in hawn chungchang:**

Red zone huam chhunga awm zirna in te chu hawng lovin online-a zirna kalpui tur a ni.

## **IV. Puipunna leh inkhawm chungchang:**

1. Mipui punkhawmna leh programme chi hrang hrang - anniversary, birthday, kohhran leh pawl hminga thil tih leh inhmuhkhawm, inkhawm leh hnattlang te khap a ni a. Infiamna, ennam hmun te khar vek tur a ni.
2. Inneihna leh mitthi vuina ah chuan mi 50 aia tam lo emaw a hmun a leng zat chanve, a tlem zawk zawk kalkhawm phal a ni. He hmuna kal te chuan CAB an zawm ngei ngei tur a ni.

## **V. Hnathawh leh dawr hawn chungchang:**

1. Hnathawktu ten an awmchilhna hmun ah chuan CAB zawm chungin hnathawh phal a ni.
2. Nitin mamawh leh eichawp dawr, damdawi dawr, sa leh thlai zawrhna te chu nitin hawn phal an ni.
3. Dawr nghak tu te chuan vaccination certificate an neih chuan phochhuah theih turin an kawh tur a ni. Dawr nghaktu leh dawrtu ten engtik lai pawhin hnar leh ka uluk taka khuhin mask an vuh reng tur a ni a, a rei lo thei ang ber an in dawr thin tur a ni.
4. Santizer chhawp vek tur a ni.
5. Dawr chhungah dawr nghaktute nilo chu inleng emaw dawrtute emaw te chu thut khawmuan phal a ni lo.
6. Dawr chung leh pawnah dawr tute inhlath thei ang bera an awm theih nan dawr neituten ruahmanna an siam ang.
7. Online shopping leh delivery te midang nena intawk lo in kalpui phal a ni.

## **VI. Duty chungchang:**

1. CAB Implementation Team leh VLTF-te uluk takin an duty thin ang a, hmun pawimawh laiah tul lova mipui chhuah vahna a tlem theih nan leh khuahkhirh anih theih nan an duty ang a, a khat tawkin veng chhungah patrolling an nei thin ang.

2. A tul dan ang zelin Police duty dah turin Superintendent of Police, Khawzawl District in ruahmanna a siam ang a. DC in sawrkar hnathawk Executive Duty dah turin ruahmanna a siam bawk ang. Police leh Executive Duty te hi uluk takin an duty thin ang.

**VII.** Red Zone huam chhungah hian a tul dan ang zelin Rapid Response Team (RRT) ten Chief Medical Officer kaihhruainain Active Case Search leh dinhmun thlithlaina (Surveillance) an nei thin ang. Containment Area a puan a tul dan report/recommendation Deputy Commissioner hnenah an thlen thin ang.

He thupek bawhchhia an awma man an nih chuan, Disaster Management Act, 2005 Section 34(b)(c)(m) leh IPC Section 188 (thla 6 lung in tan emaw **Rs. 1,000/-** chawi emaw, a pahniha hrem kawp emaw) hmangin hrem an ni ang.

**Sd/- C.C. LALCHHUANGKIMA**

Deputy Commissioner

&

Chairman

District Disaster Management Authority

Khawzawl District, Khawzawl

Memo No.J.12019/17/2021-DC(KZL)/Vol-XVII : Khawzawl, the 28<sup>th</sup> Feb., 2022

Copy to:

1. Sr. PPS to Chief Secretary, Govt. of Mizoram.
2. Secretary to Govt. of Mizoram, Home/DM&R Department.
3. Secretary to Govt. of Mizoram, H&FW Department.
4. Superintendent of Police, Khawzawl District.
5. District Education Officer, Khawzawl District.
6. District Medical Superintendent cum Chief Medical Officer, Khawzawl District.
7. DIPRO, Champhai for favour of wide publicity.
8. All Incident Commanders/ Zonal Officers, Khawzawl District.
9. Chairman, Khawzawl District Village Council Association.
10. Chairman, Dulte Village Level Task Force. A lo hriat atan leh uluk taka kengkawh turin ngen leh hriattir a ni.
11. Editors, Si-Ar and Khawzawl Times. An chanchinbua news item anga min chhuaahsak turin ngen an ni.
12. Website Manager, DC's office for uploading it in office website.
13. Office Copy



Deputy Commissioner

&

Chairman

District Disaster Management Authority

Khawzawl District, Khawzawl